

Joibe 13
Dedicazion de Basiliche di Aquilee

Domenie 16
La Madone dal Carmèl

Miercus 19
B. Erman

Il proverbi
Cjacadà cence pensà
al è come trai cence smirà



Il soreli
Ai 11 al jeve aes 5.26
e al va a mont aes 20.59

Vinars 14
S. Camil de Lellis

Lunis 17
S. Alessi

Il timp
Aiar plui fresc

Lis voris dal mès
Tal bagnà, no stait a butà aghe
su lis fueis des plantis; a podassin
ruvinàsi par vie des temperaduris altis



La lune
Ai 16 ultin cuart

Sabide 15
S. Buineventure vescul

Martars 18
S. Fidri



**PREMI «ANDREINA E LUIGI CICERI»
Voris dentri dai 21 di Lui**

Al è timp fin ai 21 di Lui par presentâ i lavôrs dal Premi «Andreina e Luigi Ciceri», XVIII edizion, che la Societât filologjiche furlane e da fûr ogni doi agns. La borse-premi di 3 mil euros e ven dade ai contribûts scientifics dedicâts ai aspjets de culture e dal teritori dal Friûl (storie, gjeografie, architettura rurâl, paisaç, turisim, economie, tradizions populârs e linguistichis furlane) e al è dividût in dôs sezions: scrits (saçs libars, tesis di lauree magjistrâl e di dottorât) e materiâi multi-mediâi (documentaris, filmâts pe cognossince e la valorizazion dal Friûl, struments interatîfs). I lavôrs che a concorin a ân di jessi ineditis, a ân di vê caratar scientific, no letarari, no memorialistic. Il regolament si pues discjamâ dal sît www.filologicafriulana.it La jurie e faràs une graduatorie mutivade tignint cont de originalitât dal lavôr rispjet al setôr di ricercje sielt, de conformitât te maniere di doprâ lis fonts, dal supuart bibliografic, de atenzion comparative, de cualitât e de originalitât dal supuart iconografic, de cualitât de scritture. Intitulât ae memorie di Andreina e Luigi Ciceri, il premi al è dât fûr cun chêt di onorâ il lavôr che i doi grancj studiôs a ân fat a pro dal studi de storie e des tradizions dal Friûl: Luigi Ciceri (Tresesin, 1911 – 1981) al è stât miedj, cultôr apassionât di tradizions populârs e di leteradure; Andreina Nicoloso Ciceri (Buie, 1920 – Udin, 2000) e je stade insegnante, etnolice e critiche leterarie. Insieme a ân vût curât la publicazion di divers volums di contis e di art populâr, immaneât mostris e metût adun documentaris sul folclôr furlan.

Il Servizi pes lenghis minoritariis di vie Sabbadini a vie de Prefeture. Torrenti: «Sede plui prestigjose». Fontanini: «Nol sa nancje li che e je»

Lenghe furlane sul cjast

Sibau (Ar): «La Zonte e stude la flame de specialitât». Violino (Grup mist): «Ocasion pierdude»

DI UN PÂR DI SETEMANIS, i uficis dal Servizi regionâl pes lenghis minoritariis a son stâts trasferîts de sede di vie Sabbadini – cûr operatîf de Regjon a Udin – a chêt plui periferiche di vie de Prefeture, al tierç plan di un palaç passât de Provincie di Udin ae Regjon (te foto) par efiet de riforme dai ents locâi che e stabilis la sopression des Provincii. Une decision che e à fat stuarzi il nâs a plui di cualchidun. «Cheste Zonte regionâl e condane lis lenghis minoritariis al confin e lis spedis sul cjast», al à dit **Giuseppe Sibau**, conseîr regionâl di Autonomie responsabile, che e à interogât la Zonte domandant «se nol è oportun tornâ a considerâ di spostâ il Servizi di une sede centrâl e acessibile cun facilitât a un edifici marginâl, pôc furnît dal pont di viste logjistic, par esempli i mancje l'assensôr». Chest su la fonde dal significât simbolic di chei uficis. «O fevelin dal Servizi che al adote lis misuris pe difese des



diversitâts culturâls e linguistichis presintis storicementri in Friûl-Vignesie Julie – al spieghie Sibau –, li che a vegnin metudis in vore lis normis statâls e regionâls pe tutele, valorizazion e promozion de nestre identitât, element ae fonde de specialitât e de nestre autonomie. La colocazion in vie Sabbadini e judave il davuelzisi des funzions dal Servizi, a contat strent cun chês altris struturis regionâls. Vêlu spedit in periferie e je une provocation gratuite. Si pues pensâ che cheste Zonte e stedi cirint un pôc ae volte di studâ la flame de specialitât. Che e torni a pensâi porsore. Cui simbul no si scherçe.

Altri che edifici marginâl, i à rispuindût l'assensôr regionâl ae Culture, **Gianni Torretti**. «Al è in plen centri, denant de Agjenzie regionâl pe lenghe furlane, dongje de Prefeture e di palaç Belgrât, une sede tant plui prestigjose di vie Sabbadini. O pensin che li che a ân l'ufici di rapresentance il president dal Consei regionâl Franco Iacop e il conseîr Sibau al puedi lavorâ ancje un servizi impuartant». Pecjât che il Servizi dal assessorât di Torrenti nol vedi sede li che al dis lui! Ma – tant che i à ricuardât ancje il president de Provincie di Udin, **Pietro Fontanini** – «intun edifici diferent, intune posizion che strategjiche no je e massime scomude pe utence, stant al tierç plan cence assensôr», al à ribatût Fontanini. «Il furlan e lis altris lenghis au-

toctonis a meritin plui considerazion e rispjet de bande de Regjon, ma forsi l'assensôr regionâl al è masse cjapât des cuestions triestinis par ocupâsi dai siei uficis udinês, che nol sa nancje li che a son!».

Une ocasion pierdude par **Claudio Violino**, conseîr regionâl dal Grup mist, nomenât coordinadôr de Conference regionâl sul furlan, previodude de Leç 29/2007, che si tignarà il prin e ai 2 di Dicembar. «Se la amministrazione regionâl e ves a cûr il cantin de autonomie, de specialitât, che si justifice ancje cu la presince des lenghis minoritariis, e pontarès a rinfuarçâ la cuestion dal furlan – al dis – e alore quale robe miôr che cjatâi un lûc fisic une vore simbolic tant che palaç Belgrât (che no sarâ plui sede de Provincie) par meti dongje il Servizi pes lenghis minoritariis insiem a Arlef e Assemblee de Comunitât linguistichis furlane (che e varès di logâsi li de Agjenzie, ndr), che cumò a son duç in vie de Prefeture? Di resint, il Consei regionâl al à discutût la leç su la formazion professionâl, che e je passade cu la prevision di percors formatîfs in lenghe veicolâr slovene. La Aule e à boçât i emendaments che a domandavin di previodi lis stessis oportunitâts par dutis lis minorancis linguistichis regionâls ricognossudis. Al è clâr che il furlan nol è tra lis prioritâts di cheste Zonte regionâl».

ERIKA ADAMI



Oasi dei Quadris

Associazione Amici dell'Oasi dei Quadris - Onlus
Via Caporiacco 33034 Fagagna (UD)

L'Oasi è aperta al pubblico dal 19 MARZO al 1° NOVEMBRE 2017

giorni di apertura e orari:

domeniche e festivi 10:00-19:00

inoltre

fino al 15 settembre:

anche
sabati pomeriggio 14:30-19:00

per prenotazioni
visite guidate e scolaresche
o gruppi di privati (min 20 persone):
www.oasideiquadris.it
info@oasideiquadris.it
Telefono:
331 9788574 per le prenotazioni
338 7175877 per info





MOSTRE A SPILIMBERGO



FRIULI VENEZIA GIULIA 31ª EDIZIONE FOTOGRAFIA 2017

Letizia Battaglia, Rosaria Costa, vedova di Rosario Schifani ucciso con Giovanni Falcone, 1993





CRAF
CENTRO DI RICERCA
E ARCHIVIAZIONE
DELLA FOTOGRAFIA
www.craf-fvg.it






MOSTRE FOTOGRAFICHE A SPILIMBERGO LETIZIA BATTAGLIA E MATTIA BALSAMINI

1° luglio - 3 settembre 2017 • Palazzo Tadea

Orari: dal mercoledì al venerdì dalle 16.00 alle 20.00
sabato e domenica dalle 10.30 alle 12.30 e dalle 16.00 alle 20.00